

Ekalesia Faapotopotoga Kerisiano i Amerika Samoa

AU TAUMAFAI 2019



Mo Keriso ma le Ekalesia

Mai le Komiti,

'Ia outou vivi'i atu i le Ali'i auā e lelei o Ia, auā e fa'avavau lava lona alofa.'

O le viiga lea ma le fa'afetai i le Atua, ona o le mamana ma le silisili ese o ana vavega ofoofogia ua faia mo le EFKAS. Ua soluia malama o le tausaga fou 2019. Ua fa'amalo le folau ma le tu'utu'u la'au i le Ekalesia, mai ona tuasivi maualuluga seia o'o i ona i'u. Ia i le Atua le viiga e fa'avavau lava.

Ua taoto atu i ou aao le Tusi Failotu Au Taumafai mo ona sauniga lotu i Aso Sa ta'itasi o le tausaga. O le galuega tele sa feagai ai ma le Susuga i le Teutupe o le Au Taumafai Aoa o le Ekalesia, ia Rev Johnny Fano mai Fagaitua, o le sui lava lea o le Matagaluega i Sasa'e ma Samoa nei. E fa'aleo le fa'afetai tele, auā e le faigofie ma la'ititi le galuega. O oloa lilo o teugā 'oa o le malo o le Atua ua le taofiofi, a ua fa'asafua atu e fai ma ta'iala o au filifiliga ma su'esu'ega i le Tusi Paia i lea vaiaso ma lea vaiaso. Ia sisila le Atua i le galuega ua faia, ma fa'alauatele e le mana o lona lava Agaga.

E le itiiti fo'i le agaga fa'afetai ma le fa'amalo i le Ekalesia aoao ma le nofo a Au Taumafai i faiga taulaga ma so'o se foa'i auala eseese mai, lea ua tino ai le tele o fuafuaga ma manaoga a le Au Taumafai. O lo'o momoli mai alofaaga o le au penisione ona o meaalofa aogā mo i latou. Ia fa'amanuia le Atua. E tele pea nisi fa'afetai, a ua le lilo lea i le Atua silasila mai.

Manatua ane Fepuari 3, 2019, o lou aso fa'amanatu lea i le lalolagi, pei ona fa'avae mai ia Fepuari 2, 1881. Pe tele pe iti, e le vaoia ē foa'i ma le lotomalie ma alolofa moni i le Ali'i e ou le Au Taumafai.

Ia alofa maia le Atua i gasologa o lenei tausaga fou. Ia mamao ni ao valevale, a ia manu teleina le Ekalesia aoao i le manuia ma le filemu o le Atua.

Soifua

Fa'aeteete Saifoloi, FT
Mo le Komiti,
Mafutaga Au Taumafai EFKAS

TA'UTINOGA 'AU TAUMAFAI

Ua ou fa'amoemoe i le fa'amalosi mai o Iesu Keriso ia te a'u. O lenei, ou te ta'utino i le Ali'i, o le a ou taumafai ona fai o mea uma e tusa ma Lona finagalo. O le a ou faia ma tulafono o lo'u ola:

Ou te tatalo ia te Ia i aso uma;

Ou te faitau i lana Afioga i aso uma;

Ou te 'alo 'ese i inuga 'ava o'ona i aso uma lava;

Ou te lagolago i galuega ma tapua'iga a le Ekalesia i so'o se ala ou te mafai ona ou faia;

Ma, i lo'u olaga atoa, o le a ou taumafai i lo'u iloa atoatoa, ona ola i le soifuaga Kerisiano mo Keriso.

Amene.

Aso Sa – Ianuari 06, 2019 (FA’AFOUINA)

Tusi Faitau – Levitiko 16:11–16

Matua – f.14: *“E ave foi e ia nisi toto o povi poa taanoa, ma sausau ai i lona tamatama’i lima i le nofoa o le alofa i lona itu i sasae; na te sasau fa’afitu foi nisi toto i lona tamatama’i lima i luma o le nofoa o le alofa.”*

“O LE TAULAGA UA ATOATOA”

(A complete sacrifice)

1. O aao agalelei o le Atua, ua Ia sausauina ai i tatou
2. O le alofa fa’amaoni o le tautai e taunuu manuia ai le malaga
3. Sa fa’amatafi e le Alii le ala, e taunuu manuia ai le folauga

Tupulaga: *“Ia savali ma le mautinoa o le Atua e te manuia ai.”*

Mafaufauga: *“O i tatou o tagata ua faaolaina i le toto o le Alii.”*

Aso Sa – Ianuari 13, 2019

Tusi Faitau – Salamo 91:1–10

Matua – f.9: *“Auā o oe, le Alii e, o lo’u malu oe, na e faia le silisili ese ma mea e te nofo ai...”*

“O LE ALII O LO TATOU MALU O IA”

(The protection of the Almighty)

1. O le Alii o lo tatou lafitaga ma le maluāpapa
2. O le Alii na te leoleoina o tatou ala uma
3. E saogalemu le tagata e fa’alagolago i le Atua

Tupulaga: *“E manuia le tama ma le teine usita’i.”*

Mafaufauga: *“Fesili i le Atua ae lei faia lau fa’aiuga.”*

Aso Sa – Ianuari 20, 2019

Tusi Faitau – Salamo 32:1–7

Matua – f.5: *“Ona ou fa’ailoa atu ai lea ia te oe o la’u agasala, na ou lē ufitia foi la’u amioletonu; sa ou fa’apea, ou te fa’aali atu i le Alii o’u solitulafono; ona e aveesea ai lea o le leaga o la’u agasala.”*

“FA’AILOA O I TATOU O TAGATA AGASALA”

(Acknowledging Our Sin)

1. Fa’ailoa i le Alii, o i tatou o tagata e lē atoatoa

2. O le auauna fa'amaoni, e na te lagonaina lona fa'atauva
3. E silaila le Atua i le loto fa'amaoni

Tupulaga: *“Tautala sa'o e alofagia ai oe.”*

Mafaufauga: *“Ia o ta mua'i lagona o ta vaivaiga.”*

Aso Sa – Ianuari 27, 2019 Aso Sa o Tupulaga

Tusi Faitau – 1 Peteru 2:4–8

Matua – f.5: *“O outou foi, ia atiina a'e outou e pei o ma'a ola, o le fale fa'aleagaga, o le 'au ositaulaga paia, e avatu taulaga fa'aleagaga e mälie i le Atua ona o Iesu Keriso.”*

“O MA'A LA MOLEMOLE”

(Smooth Stones)

1. O le olopalaina i fa'afitauli o le galuega, e avea ai i ta'ua ma ma'a lamolemole
2. Ia avea lou ola o se ma'a aogā mo le galuega a le Atua
3. O le so'o moni e lē ola ffilemu

Tupulaga: *“Ia avea oe ma ma'a ola i lou aiga.”*

Mafaufauga: *“O tala atu o tiga ma faigata, o loo i ai le matagofie o le Alii.”*

Aso Sa – Fepuari 03, 2019 (FA'AFUINA)

Tusi Faitau – Roma 14:13–23

Matua – f.17: *“Auā o le malo o le Atua, e le o mea e 'ai ma mea e inu; a o le amiotonu, ma le filemu, ma le olioli i le Agaga Paia.”*

“FILEMU MA MAUTINO”

(Peace and Assurance)

1. Ia galue mo le viiga o le Alii, a e lē mo se tau
2. Ia amata ia oe le fa'atupuina o le filemu
3. 'Aua le ola taulamalama, a ia avea oe ma fa'amanuiaga mo isi

Tupulaga: *“'Aua ne'i maumau lou talavou i mea e leai sona aogā.”*

Mafaufauga: *“O le Atua, o lo tatou ola ma lo tatou fa'amoemoe.”*

Aso Sa – Fepuari 10, 2019

Tusi Faitau – Levitiko 11:29–38

Matua – f. 31: *“O mea ia e leaga ia te outou i mea uma e fetolofi; ai se pa’i atu i ai pe a mamate, e leaga o ia seia o’o i le afiafi.”*

“E LE O LE TULAFONO LE FA’AMAMAFI”

(Not a Set of Rules)

1. O le Atua, o le amataga o le ola fa’apaiaina
2. O le ola mamā, e finagalo i ai le Matai
3. Mulimuli i le Atua ma le mata’u, a e lē o le fefe

Tupulaga: *“Ia ava i matua, o le ta’iala sili e te manuia ai.”*

Mafaufauga: *“O le agaga e te faia ai se mea, e silasila i ai le Atua.”*

Aso Sa – Fepuari 17, 2019

Tusi Faitau – Tito 3:1–8

Matua – f.5: *“Ona fa’aola mai ai lea o ia ia te i tatou, e lē ona o galuega o i le amiotonu sa tatou faia, a e tusa ma lona lava alofa i le faata’eleina i le toefuataiina ma le fa’afouina e le Agaga Paia.”*

“FA’AMAMĀ MA FA’AFUINA”

(Washing and Regeneration)

1. Ia fa’alagolago i le mususuga a le Agaga o le Atua
2. Galue ma le mautinoa e fa’afouina pea lou malosi e le Atua
3. Mulimuli i ala o le Alii, e fāua ai tagata uma i lau va’ai

Tupulaga: *“Fa’alogo ma usiusita’i, o le fale a’oga sili lena.”*

Mafaufauga: *“Lou malosi ua maua, ia fa’aaogā mo le Atua.”*

Aso Sa – Fepuari 24, 2019

Tusi Faitau – 2 Korinito 10:1–6

Matua – f.3: *“Auā e ui lava ina matou savavali i le tino, matou te le tau fa’aletino...”*

“MALAMALAMA I LE MALAE E TAU AI LE TAU”

(Understanding the Battleground)

1. O 'aupega a le tagata tau mo Keriso

2. Tutū fa'atasi, e lilofia ai fanua i le 'au tau a Keriso
3. Ia ma'ama'ai lau mea faigaluega fa'ale-Agaga, e a'e malo ai faiva

Tupulaga: *“O le Tusi Paia, o lau pelu fa'ale-Agaga.”*

Mafaufauga: *“Ta te manumalo, pe a 'au le Atua ma i tatou.”*

Aso Sa – Mati 03, 2019 (FA'AFUINA)

Tusi Faitau – Roma 8:9–17

Matua – f.11: *“A e afai e nofo i totonu ia te outou le Agaga o lē na toe fa'atū mai ia Iesu nai ē ua oti, e fa'aola mai foi o outou tino auga vale e lē na toe fa'atū mai ia Keriso nai ē ua oti, e lona Agaga o loo nofo i totonu ia te outou.”*

“USIUSITA'I MA LE LOTO ATOA”

(Radical Obedience)

1. O le loto ua talitonu e lē masalosalo ai i le Atua
2. Ia mamao ma oe le manatu e leai sau mea e fai mo le Tala Lelei
3. O le Agaga o le Atua, e u'unaia i ta'ua mo mea sili

Tupulaga: *“’Aua nei galo ia te oe, o oe o le uo silisili a Iesu.”*

Mafaufau: *“E le tumau mea o le tino, a o le loto e afio ai le Atua, e fa'avavau lona ta'uaogāina.”*

Aso Sa – Mati 10, 2019

Tusi Faitau – Iosua 24:14–20

Matua – f.14: *“O lenei, ia outou matata'u i le Alii, ma auauna ia te ia ma le loto sa'o ma le fa'amaoni; a ia outou tu'ueseina o atua na auauna i ai o outou tamā i le la itu o le vaitafe, ma Aikupito, ma ia outou auauna i le Alii.”*

“O AI EA TATOU TE AUAUNA I AI?”

(Whom Will We Serve?)

1. Amata i le Alii, e mautinoa ai le taunuuga
2. Ave lou aiga i le Atua, auā e iloga lava fale o tagata o le Atua
3. Mulimuli ma le talitonu, e taunuu ai i le laumua o loo tulimata'i

Tupulaga: *“Faalogo i matua, ae 'aua le alu i ta'ita'iga a isi.”*

Mafaufauga: “*E au tupulaga aiga e mulimuli i le Atua.*”

Aso Sa – Mati 17, 2019

Tusi Faitau – Tanielu 9:10–24

Matua – f.22: “*Na ia a’oa’o mai, ma ua tautala mai ia te a’u, ua fa’apea mai, ‘Tanielu e, ua a’u sau nei e a’oa’o ia te oe e te potu ai.’”*

“O AUPEGA MO LO TATOU TAUA”

(The Weapons of Our Warfare)

1. Tofo i mea faigata, e lagona ai le tatou faatauva'a i luma o le Atua
2. Tumau ma finafinau pea i le ogatotonu o fa’afitauli, tatou te iloa ai fa’aaliga
3. O le tatalo, o le ‘aupega lena a le Kerisiano, na te iloa atu ai le tini

Tupulaga: “*Finau nei ma au mea aogā, e manuia ai lou lumana’i.*”

Mafaufauga: “*O le Atua tatou te mafaia ai mea faigata uma.*”

Aso Sa – Mati 24, 2019

Tusi Faitau – Filipi 3:17–21

Matua – f.21: “*Na te liua o tatou nei tino fa’atauva, ia fa’atatau i lona tino mamalu, e tusa ma le mana na te mafaia ai ona fa’atoilaloina o mea uma ia te ia lava.*”

“O LE TINO O LE FA’ALUMAINA”

(A Body of Humiliation)

1. O le tino manu'a o lo tatou Alii, e fōfōina ai o tatou tino augavale
2. ‘Aao o le Alii na ulufia e fao, o le fa’aailoga o le loloto o lona alofa mo i tatou
3. O le toto paia o le Alii na fa’asisina ifo, ua avea ma isopo fou e fa’amamāina ai o tatou agasala

Tupulaga: “*Savali sa’o i luma a e ‘aua e te afe solo, ina ne fa’alumaina oe.*”

Mafaufauga: “*E tāua i le Alii o tatou tino, ina ia tatou soifua mamā.*”

Aso Sa – Mati 31, 2019

Tusi Faitau – Salamo 89:19–37

Matua – f.34: *“Ou te le tu’umavaega la’u feagaiga, ou te le liliu lava le upu ua pa’ū atu i o’u laugutu...”*

“O LE ATUA O FEAGAIGA”
(*God of Covenant*)

1. O le Atua o ananafi, o le asō, ma a taeao
2. O lona alofa e lē liliu, ae tumau e o’o lava i le fa’avavau
3. O lana fetalaiga o le tautoga lena e o’o lava i le i’uga o mea uma

Tupulaga: *“’Aua e te nanāina se mea o mafatia ai lou loto.”*

Mafaufauga: *“O lau upu ma lau gagana e fa’amasinoina ai oe.”*

Aso Sa – Aperila 07, 2019 (FA’AFOUINA)

Tusi Faitau – Salamo 103:1–5

Matua – f.2: *“Lo’u agaga e, ia e fa’amanū atu i le Alii, ‘aua foi ne’i galo se mea e tasi o ana mea alofa.”*

“MANATUA ANA FA’AMANUIAGA”
(*Remembering His Benefits*)

1. Ia e ola fa’asoa ma agalelei atu i isi tagata, ona o le manuia ua e maua
2. E tupu mea aveva, auā e lē uma le alofa o le Atua
3. O le mativa o le Alii ua tatou tamāoaiga ai

Tupulaga: *“’Aua nei galo ia te oe sau fa’afetai i nai ou matua.”*

Mafaufauga: *“O le fa’afetai moni, e afua mai i loto ua malie i le Atua.”*

Aso Sa – Aperila 14, 2019

Tusi Faitau – Mataio 8:14–17

Matua – f.16: *“’Ua o’o i le afiafi, ona latou aumai ai lea ia te ia o tagata e toatele ua ulutinoina e temoni, ona ia tulia ai lea o agaga i le upu lava, ua fa’amaloloina foi e ia o i latou uma na mama’i.”*

“FA’AMALOLOGA MO TAGATA UMA”
(*Healing for All*)

1. O le Alii ua saili mai i le tagata puapuagatia
2. E finagalo le Alii ina ia o tatou malolosi ma ola fiafia i aso uma

3. A e mafatia i soo se avega, alu i le Alii e te mapu ma malolo ai

Tupulaga: *“Fa’aaogā lou malosi mo se galuega lelei mo lou aiga.”*

Mafaufauga: *“Ia o tatou lagonaina le mafatiaga o tatou uso e le o atoatoa lo latou malosi.”*

Aso Sa – Aperila 21, 2019 Aso Sa o le Eseta

Tusi Faitau – Kolose 2:8-15

Matua – f.14: *“Ina ua soloia le tusi o la tatou aitalafu na nofosala ai i tatou i le tulafono sa tete’e mai ia te i tatou, ua aveeseina ai foi nai le vaeloto, ma fa’amauiina ai i fao i le satauro.”*

“UA SAUNIA ATOATOA”

(A Complete Provision)

1. Ua fa’atauina i ta’ua i le tau, i le soifua atoatoa o lo tatou Alii
2. Ua tatala noanoataga o le agasala, ona o le Alii manumalo
3. Ua tatou sa’oloto mai le agasala, alu laia, o lou fa’atuatua ua e malolo ai

Tupulaga: *“Aua ne’i galo ia te oe o loo ta nofo aitalafu i o tatou matua.”*

Mafaufauga: *“Ua maua le ta avanoa, ia ola faamaoni mo Keriso.”*

Aso Sa – Aperila 28, 2019

Tusi Faitau – Ioane 10:7-18

Matua – f.10: *“O le gaoi, e leai se tasi mea e sau ai na ona ia gaoi, ma fasi ma fa’aumatia; ua ou sau ina ia latou maua le ola, ia maua atili ai lava.”*

“OLA FA’AVAVAU E LĒ UMA”

(Abundant, Eternal Life)

1. E manuia le fanau a le Atua, ona o le Atua lava o Ia
2. E avea le Alii ma tali pupuni i le fili ma ana 'au
3. E silafia lelei e le Alii lou si’ufofoga, pe a e valaau atu ia te Ia

Tupulaga: *“Ia e ava i lou tamā ma lou tinā, o leoleo mamoe sili ia o lou aiga.”*

Mafaufauga: *“E lē ola ffilemu le ta'ita'i mataala.”*

Aso Sa – Me 05, 2019 (FA'AFUINA)

Tusi Faitau – Katatia 3:6–14

Matua – f.14: *“Ina ia o’o ai i nu’u ese le manuia o Aperamo ia Keriso Iesu, ina ia tatou maua i le fa’atuatua lē na folafolaina, o le Agaga lea.”*

“O LE FOLAFOLAGA A LO’U TAMĀ”

(The Promise of My Father)

1. O le leo tau lē lagona, o loo valaau mai i le mea lilo
2. O i ta’ua o ave sulu o le malamalama o le Atua
3. E mavae le lagi ma le lalolagi, a e tumau le Afioga a le Atua

Tupulaga: *“O oe e fa’aauuina le gafa o lou aiga.”*

Mafaufauga: *“O i tatou o molimau i le malamalama o Keriso.”*

Aso Sa – Me 12, 2019

Aso Sa o Tinā

Tusi Faitau – Faataoto 28:19–28

Matua – f.27: *“O lē ua foai atu i le tagata mativa, e le mativa o ia; a o lē alo ai ona fofoga, e laufetu’uina o ia.”*

“ALOFA I Ē MATITIVA”

(Caring for the Poor)

1. O le mativa o le Alii, ua o tatou tamāoaiga ai
2. Ia avea i ta’ua ma fa’amanuiaga mo isi tagata
3. Foa’i ma le loto, o le taulaga manogi lena i luma o le Atua

Tupulaga: *“A e matamau, e iloa ai oe o le uo a Keriso.”*

Mafaufauga: *“O i tatou foi na avea ma tagata ese.”*

Aso Sa – Me 19, 2019

Tusi Faitau – Kalatia 6:11–16

Matua – f.14: *“A o a’u, ‘aua nei o’u mitamita i se mea, tau lava o le satauro o lo tatou Alii o Iesu Keriso, ua fa’asatauroina ai le lalolagi ia te a’u, o a’u foi i le lalolagi.”*

“MITAMITA I LE SATAURO”

(Boasting in the Cross)

1. La’au o le fa’alumaina, a ua avea ma laau o le ola

2. E fa'atauavaa ala e saunia ai e le Atua le fa'aolataga
3. O le satauro o le Alii, o le fa'aailoga tauave a le Kerisiano

Tupulaga: *“E malosi le mea moni ae lē moni le mea malosi.”*

Mafaufauga: *“E pala ma elea mea o lenei lalolagi, ae fou pea fa'aaliga o le Atua.”*

Aso Sa – Me 26, 2019

Tusi Faitau – Efeso 1:3–10

Matua – f. 5: *“Ua na tofia i tatou anamua, ina ia avea ma tamafai mana, ona o Iesu Keriso e tusa ma le pule tunoa a lona finagalo.”*

“TALIA LOU LAVA TAGATA”

(Accepting Ourselves)

1. Ua maua le tatou avanoa i le gafa tupu o le Atua
2. O le fa'atuatua o le fa'avae lena o le aiga o le Atua
3. Sau loa fa'apena, ua valaau mai le Alii, ua fia fa'aaogāina i ta'ua

Tupulaga: *“Sauni mo le isi la'asaga fou o lou olaga.”*

Mafaufauga: *“O i tatou o le uso ia Keriso i le fa'atuatua.”*

Aso Sa, Iuni 02, 2019 (FA'AFUINA)

Tusi Faitau – 1 Korinito 6:15–20

Matua – f.17: *“Ae peitai, o lē ua fa'atasia ma le Alii ua la agaga e tasi ma ia.”*

“MAFUTAGA VĀVĀLALATA MA LE ALII”

(Marriage Relationship with the Lord)

1. Ia fa'amaoni i lau pito la'au o le lua feagaiga ma le Alii
2. 'Aua le fa'alotoloto lua, ia tumau lou fa'amoemoe i lou Matai
3. Ia fa'amaoni i le lua va ma le Atua, auā e fa'amaoni lava lona alofa

Tupulaga: *“'Aua e te vavevave, nofo i lalo ma mafaufau muamua.”*

Mafaufauga: *“E ola fiafia se aiga e fa'avae i le fetalitonua'i.”*

Aso Sa – Iuni 09, 2019

Aso Sa o le Penetekoso

Tusi Faitau – Eperu 10:11–18

Matua – f.14: *“Auā o le taulaga e tasi ua fa’aatootoaina ai e ia e fa’avavau o ē ua fa’apaiaina.”*

“MANUMALO TUMAU”

(Total, Permanent Victory)

1. E le toe faaluaina le taulaga na saunia e le Alo o le Atua
2. Soo se mea e faia e le Atua, e atoatoa ma lelei
3. E le o i tatou o ni tagata faia’ina, a o tagata o le manumalo

Tupulaga: *“Tauivi ma f’aamalosi ina ia taulau o lou fa’amoemoe.”*

Mafaufauga: *“O le ola e fa’avavau, o le talitonu ma fa’atuatua ia Iesu.”*

Aso Sa – Iuni 16, 2019

Aso Sa o Tamā (Amerika)

Tusi Faitau – Ioane 8:23–30

Matua – f.29: *“O ia foi ua auina mai a’u o loo ia te a’u ia; e le tu’ua a’u e to’atasi e le Tamā, auā ou te faia pea lava o mea e lelei ia te ia.”*

“FAIA MEA SILI E VHA AI LE TAMĀ”

(Pleasing the Father)

1. Ia amata ia te a’u le ola fai mea lelei i le galuega a le Atua
2. O le loto malie, o le taulaga manogi lena i luma o le Atua
3. E lē mativa le tagata faimea sili mo le Atua

Tupulaga: *“O lou faia o se mea lelei, o lou fa’aeaea foi lena i ou matua.”*

Mafaufauga: *“’Aua le fa’atuatua itiiti; e faia pea e le Atua mea sili mo i tatou.”*

Aso Sa – Iuni 23, 2019

Tusi Faitau – Salamo 25:8–15

Matua – f.12: *“O ai ea le tagata o lē mata’u i le Alii? E fa’asinoina atu ai e ia le ala na te filifilia.”*

“GAUA’I ATU I FA’ATONUGA A LE ATUA”

(Submitting to God’s Instruction)

1. E le tu’ulafoaiina e le Alii le tagata e fa’alogo ma usita’i

2. E lē sese ala a i latou o ē e ta'ita'iina e le Atua
3. O le Atua o le tapasā o le tatou folauga

Tupulaga: *“Afa'i ua gata lou iloa, ia e toe fesili i ou matua.”*

Mafaufauga: *“Ia fesili i le Atua, ae lei faia lau fa'aiuga.”*

Aso Sa – Iuni 30, 2019

Tusi Faitau – Ioane 15:1–8

Matua – f.1: *“O a'u nei o le vine moni, a o lo'u Tamā o le galue vine ia.”*

“O LE OLA O LE VINE”

(The Life of the Vine)

1. Tatou te lē mafaia se mea e tasi, pe a aunoa ma le Atua
2. E ola mafalā ma lau usiusi le tagata e pipi'i i le Atua
3. Ia pipi'i i le pogati, e auala mai ai le malosi fa'afouina

Tupulaga: *“Fesilisili i ou matua, manū o maua le avanoa.”*

Mafaufauga: *“Ia fa'alagolago i le Atua, e iloa ai mea lilo o Lona Mālō.”*

Aso Sa – Iulai 07, 2019

(FA'AFUINA)

Tusi Faitau – Ioane 7:37–39

Matua – f.38: *“O sē fa'atuatua ia te a'u, e fa'apei ona fai mai o le tusi, e tafe mai o vaitafe mai totonu ia te ia, o le vai ola lava.”*

“MAGĀVAI O LE OLA FA'ALE-AGAGA”

(Channels of Spiritual Life)

1. Utuvai i le Atua, e malie ai lou mana'o i mea lelei uma lava
2. O le Atua o le vaipuna o le ola, e fa'amalieina ai lo tatou gālala
3. O le Agaga o le Atua, o le malosi lilo lena e lē uma ai le fia galue

Tupulaga: *“E iloa le mea e te sau ai i lau gagana.”*

Mafaufauga: *“O ē ta'ita'iina e le Agaga, e atagia ai le filemu o le Atua.”*

Aso Sa – Iulai 14, 2019

Tusi Faitau – Mataio 13:44–50

Matua – f.45: *“E tusa foi le mālō o le lagi ma le tagata fa’atau’oa, ua sailiili penina lelei.”*

“LE PENINA TAUTELE”
(The Pearl of Great Price)

1. Ia fa’aavanoa lou loto, e nofo tupu ai le Atua
2. E tāua i le Alii le ola ua salamō fa’amaoni
3. Galue nei o maua le ola, auā a o’o mai le pō, e lē mafai ona galue ai

Tupulaga: *“Loto tele, auā e saili gatā le poto ma le atamai.”*

Mafaufauga: *“O le mālō o le Atua ua iinei.”*

Aso Sa – Iulai 21, 2019

Tusi Faitau – Kenese 17:1–10

Matua – f.4: *“O a’u nei, ou te fai atu, fa’auta, o ia te i ta’ua le feagaiga, e fai foi oe ma tupuga o nu’u e tele.”*

“O TAGATA PA’IA UA VALAAUINA E LE ATUA”
(Called Holy Ones)

1. Ua valaauina i tatou e fa’ataunuaina fuafuaga mamao a le Atua
2. O i tatou o mea faigaluega ua saunia e le Atua mo le misiona
3. O i tatou o ipu omea i lima o le fai ipu omea, ua valaauina fa’apitoa mo Ia.

Tupulaga: *“O Iesu o le ta’ita’i tama, na te le tu’ulafoaiina oe.”*

Mafaufauga: *“’Aua nei galo ia te oe, o i tatou o tagata ua fa’apaiaina e le Atua.”*

Aso Sa – Iulai 28, 2019

Tusi Faitau – 1 Peteru 1:13–21

Matua – f.15: *“A e pei ona paia o ia na valaauina outou, ia fa’apea foi outou ona paia i a outou amio uma.”*

“USIUSITA’I I LE ATUA I LALO O LE ALOFA TUNOA”
(Obeying God under Grace)

1. O le alofa tunoa o le Atua, ua tatou maua ai le leleiga ma Ia

2. Ia taofi mau le taula ina ne’i tafea ese lou va’a mai le ālā va’a
3. Ia onosa’i i mea e tiga ai, tau ma fa’amalosi mo le Atua

Tupulaga: *“O le alofa o le Atua, o loo ta’ita’iina ai oe i ou ala uma.”*

Mafaufauga: *“A o tatou vaivai, e lagona mai e le Atua pe a valaau atu ia te Ia.”*

Aso Sa – Aukuso 04, 2019 (FA’AFOUINA)

Tusi Faitau – Roma 8:12–17

Matua – f.14: *“Auā o i latou uma ua ta’ita’iina e le Agaga o le Atua, o atalii i latou a le Atua.”*

“NOFOAGA E FA’AMATUA AI”
(The place of Maturity)

1. Ua lē o toe tama nini’i i tatou i le fa’atuatua
2. E lē o se tatou agava’a ua mafua ai, a o le alofa o le Atua le pogai
3. E manuia ala o i latou e ta’ita’iina e le Agaga o le Atua

Tupulaga: *“E tāua tele lau filifiliga i le taimi nei.”*

Mafaufauga: *“O le vala’aulia e avea ma totino o le aiga o le Atua.”*

Aso Sa – Aukuso 11, 2019

Tusi Faitau – Ioane 14:1–7

Matua – f.6: *“Ua fetalai atu Iesu ia te ia, ‘O a’u nei le ala, upu moni, ma le ola; e lē alu atu lava se tasi i le Tamā, pe a le ui mai ia te a’u.’”*

“TAI’ITA’I I TATOOU I LE TAMĀ”
(Bringing us to the Father)

1. Mulimuli i tulaga 'aao o le Alii, e taunu'u ai i le tini
2. O le Alii o le tapasā i le ola e fa’avavau
3. O Iesu o le faitoto'a e ulufale atu ai i le nofoalii o lona Tamā

Tupulaga: *“E lua magāala, ae tasi lava le ala e te filifilia.”*

Mafaufauga: *“Fa’amautū ma fa’amautinoa, a e ‘aua le fa’alotoloto lua.”*

Aso Sa – Aukuso 18, 2019

Tusi Faitau – Mataio 5:43–48

Matua – f.48: *“O lenei, ia atoatoa ona lelei o la outou amio, e pei o lo outou Tamā o i le lagi e atoatoa ona lelei o ia.”*

“O LI’O E ATOATOA LELEI”

(Perfect Circles)

1. ‘Aua ne’i suia lau va'ai ona e lua te le tutusa ma le isi tagata
2. E i ai le mea alofa tāua o loo i le tagata vaivai
3. Ia avea oe ma faata'ita'iga lelei, ina ia suia ai le ola tuai

Tupulaga: *“O le uo lelei, na te lavea’iina oe i taimi o fa’aosoosoga.”*

Mafaufauga: *“‘Aua nei tu’ua se avanoa i le fili.”*

Aso Sa – Aokuso 25, 2019

Tusi Faitau – Iakopo 3:6–12

Matua – f.10: *“E lua’i mai i le gutu e tasi le vivii ma le fetu’u. O’u uso e, e lē tusa ona faia fa’apea o na mea.”*

‘IA FUA TUTUSA”

(Corresponding Fruit)

1. ‘Aua le faagutugutu lua, a ia tautala ma le fa’amaoni
2. Ia loloto le tofa, ua sousou le vasa
3. ‘Aua le faia lau faai’uga mai le loto ita

Tupulaga: *“Ia avea oe o se tama’i olive i le fa’atoaga a le Atua.”*

Mafaufauga: *“O le pulea o le loto, e iloa ai laulaufaiva atamai.”*

Aso Sa – Setema 01, 2019 (FA’AFUINA) Aso Sa o le Tala Lelei

Tusi Faitau – Salamo 139:1–6

Matua – f.10: *“Le Alii e, ua e su’esu’e mai ia te a’u, ua e silafia lava a’u.”*

“E SILAFIA LELEI A’U E LE ATUA”

(God Knows Me Completely)

1. Savali ma le mautinoa o loo tauto'aluaina oe e le Alii

2. O le lagona fuatiaifo e lelei, e māfua mai i le Atua
3. A uma ona e faia se galuega, ‘aua nei galo Lē na māfua ai

Tupulaga: *“E te o’o lava i le tini, auā o le Alii o loo fa’amalosi ia te oe.”*

Mafaufauga: *“Ia lautele lau va’ai, ‘aua le ola pumo’omo’o.”*

Aso Sa – Setema 08, 2019

Tusi Faitau – Mareko 11:20–26

Matua – f.24: *“O le mea lea ou te fai atu ai ia te outou, o mea uma lava tou te ole mai ai i a outou tatalo, inā fa’atuatua ia o le a maua e outou, ona faia lava lea mo outou.”*

“E MAUAINA PE A TATOU OLE ATU”

(Receiving When We Ask)

1. E liulualo mai le Atua i le tatalo lilo
2. Ua silafia e le Atua lou loto, tau lava o lou fa’amaulalo
3. E le tu’ua e le Atua se mea lelei e te ole atu ai

Tupulaga: *“E fesoasoani le Alii ia i latou o ē fesoasoani ia i latou lava.”*

Mafaufauga: *“Tausi lelei le lua vā ma lou tua’oi.”*

Aso Sa – Setema 15, 2019

Tusi Faitau – Iopu 31:13–23

Matua – f.17: *“Po ua ou ‘ai to’atasi na o a’u i la’u mea e ‘ai, a e le’i ‘ai ai foi lē ua aumatuā.”*

“SE FUATAGA O LE AMIOTONU”

(A measure of Righteousness)

1. Ia ola fesa’asoa’i, pe itiiti pe tele e fa’atumu lava e le Atua
2. Tata’e ma sasa’a uma, e toe fa’atamasuasua lava e Alii
3. ‘Aua le ola manumanu, auā e sili le manuia o le tagata lima foa’i

Tupulaga: *“Avea oe o se Talavou e tausi-matua.”*

Mafaufauga: *“Laumata fiafia e a’anoa ai lau taulaga.”*

Aso Sa – Setema 22, 2019

Tusi Faitau – 2 Timoteo 2:8–13

Matua – f.9: *“Ona o lea ua tigaina ai a'u, ua o'o ina noanoatia o a'u, peiseai se pagota; a o le afioga a le Atua, e le noatia lava lea.”*

“MAFATIA MA FA'AEAINA”

(Suffering and Reigning)

1. E tumau le Afioga a le Atua, e amata atu nei e o'o i le faavavau lava
2. O i tatou o pologa o le Tala Lelei ia Iesu Keriso
3. Ia e manumalo fa'apei o Keriso na manumalo i le Satauro

Tupulaga: *“’Aua le ui i le ala pupu'u, auā e le tele ni ona lu'itau.”*

Mafaufauga: *“O tatou ala e le o ala ia o le Atua.”*

Aso Sa – Setema 29, 2019

Tusi Faitau – Salamo 139:13–18

Matua – f.15: *“E lei lilo lo'u tino ia te oe, ina ua faia a'u i le mea lilo, ina ua saunia a'u i mea loloto i le lalolagi.”*

“O TATOU TINO E LEAI SE TAU”

(Our Priceless Bodies)

1. E finagalo le Atua ina ia soifua maloloina lana auaua
2. O le Alii le foma'i sili, saili ia te ia mo le fa'amalologa
3. 'Aua le fa'atamala, o i tatou o taulaga tagata ua ofoina mo le Atua

Tupulaga: *“Fa'amalosi tino, o le potu a'oga lena o le mafaufau matala.”*

Mafaufauga: *“E tasi le ola, e tasi foi le malosi, e lē toe maua pe a o tatou fa'atalalē.”*

Aso Sa – Oketopa 06, 2019 (FA'AFUINA)

Tusi Faitau – Isaia 40:1–8

Matua – f.1: *“Ia outou fa'amafanafana, ina fa'amafanafana atu i ai lo'u nuu, ua fetalai mai ai lo tatou Atua.”*

“TAUTALA FA'AMAFANAFANA”

(Speaking Comfort)

1. Ia fa'asusulu atu le malamalama o le Alii i lou aiga
2. Ia pa'i lau tala'iga o le Tala Lelei i se loto ua mafatia
3. E talia gofie le leo filemu e le tagata ua leai se fa'amoemoe

Tupulaga Talavaou: *“Ia talavou i le tino, a ia tamāoaiga i manatu.”*

Mafaufauga: *“Ia agalelei i so'o se tagata, auā e lē iloa ala o vae.”*

Aso Sa – Oketopa 13, 2019

Aso Sa o Tamaiti

Tusi Faitau – Kenese 2:1–3

Matua – f.2: *“Ua fa'auma e le Atua i le aso fitu lana galuega na faia e Ia; ona malolo ai lea o ia i le aso fitu i lana galuega uma na faia e Ia.”*

“FIAFIA I LE FOAFOAGA”

(Enjoying Creation)

1. Saili i le mea tu'ufua, lua te mafuta ai ma lou Alii
2. E tele pea galuega, e mo'omia le fa'afuina o le malosi
3. E atoatoa ma lelei mea uma na faia e le Atua

Tupulaga: *“Ia fa'aaogā tatau lou taimi avanoa.”*

Mafaufauga: *“O le Atua, o lo tatou paolo tatou te malu ai.”*

Aso Sa, Oketopa 20, 2019

Tusi Faitau – 2 Timoteo 2:1–7

Matua – f.7: *“O lē galue i fanua, e tatau ona mua'i maua e ia le fua.”*

“GALUEA'IINA MA LE FILIGĀ

(Cultivating Diligence)

1. 'Aua ne'i avea vaivaiga ma fa'alavelave i le fa'atinoina o tatou tiute
2. Inu i tiga o le ola galue, e lē maua gofie le pale matagofie
3. 'Aua le galue mo se totogi, e silafia e le Atua lou loto

Tupulaga: *“Va'ai mamao, to'aga e su'esu'e e te malamalama ai.”*

Mafaufauga: *“Ia faia se galuega ma le agaga sa'oloto.”*

Aso Sa – Oketopa 27, 2019

Tusi Faitau – Mataio 10:26–33

Matua – f.32: *“O lenei, ai se na te ta'uta'u a'u i luma o tagata, o a'u foi ou te ta'uta'uina o ia i luma o lo'u Tamā o i le lagi.”*

“LE FUA O A TATOU UPU”

(The Fruit of our Words)

1. O molimau i tatou i le Tala Lelei ia Iesu Keriso
2. Ia atagia le manumalo o Keriso i lou soifua galue
3. O i tatou o ipu ua filifilia e momoli le finagalo o le Atua

Tupulaga: *“Fai i le isi tagata se mea lelei, e ese auala o le Atua e toe tau'i atu ai ia te oe.”*

Mafaufauga: *“E usiusita'i tagata i le ta'ita'i loto alofa.”*

Aso Sa – Novema 03, 2019

(FA'AFUINA)

Tusi Faitau – Salamo 51:1–5

Matua – f.1: *“Le Atua e, ia e alofa mai ia te a'u, e tusa ma lou lava alofa; e tusa ma le tele o lou alofa mutimutivale, ia e soloiese a o'u solitulafono.”*

“E TUSA MA LONA ALOFA AGALELEI”

(According to His Loving kindness)

1. O le Atua o le fa'afofoga tatalo, e lagona e ia le ta 'ai oi atu
2. O le alofa e onosa'i, o loo fa'atalitali mai i le ta toe fo'i atu
3. O le alofa mutimutivale o le Atua, o le fa'avae o le ola fa'afouina

Tupulaga: *“O fea lava e te alu i ai, e mulimuli atu lava ia te oe le alofa fa'amatua.”*

Mafaufauga: *“Fa'autauta i mea uma, o loo silasila le Atua.”*

Aso Sa – Novema 10, 2019

Tusi Faitau – Mataio 16:24–28

Matua – f.24: *“Ona fetalai atu ai lea o Iesu i ona soo, 'Ai se tasi e fia mulimuli mai ia te au, ia fa'afiti o ia ia te ia, ma ave lona satauro, i le mulimuli mai ai ia te au.”*

“FA’AFITIA O OE LAVA IA”
(Denial of Self-will)

1. E lē mafai ona avea ma so'o, pe a tatou faia'ina i tu'inanau o le tino
2. E tofu lava i tatou ma le satauro e ao ona manumalo ai
3. Ta te mafaia mea uma ona o le latalata mai o le Alii

Tupulaga: *“E saogalemu pe a usita'i ma fa'alogo.”*

Mafaufauga: *“Ia ola mamā i luma o le Atua.”*

Aso Sa – Novema 17, 2019

Tusi Faitau – Levitiko 17:10–16

Matua – f.11: *“Auā o i le toto le ola o le tino; ua ou t'uuina atu ai foi ia te outou e fai a'i le togiola mo outou i luga o le fata faitaulaga; auā o le toto o le mea lava lea e fai a'i le togiola mo le tagata.”*

“UA FA’ASAUINA I TATOI I LE TOTO O LE OLA”
(Life in the Blood)

1. Le Alii e, ou te ofoina atu a'u e fai ma taulaga tagata i lau galuega
2. Ia fa'asausauina a'u i le toto o le tama'i mamoe a le Atua
3. E faate'aina mea tatou te leaga ai I le toto o le Alii

Tupulaga: *“Ua avea le tataui (pe'a) ma ala ua suia ai le tino matagofie.”*

Mafaufauga: *“Saili i le Alii, manū o maua o Ia.”*

Aso Sa – Novema 24, 2019

Tusi Faitau – Luka 22:31–34

Matua – f.32: *“A ua ou fa'atoga mo oe, ina ne'i mavae lou fa'atuatua; a o oe foi, pe a liua mai oe, ona e fa'amalosi ai lea i ou uso.”*

“FA’ATUATUA E FA’ATUATUAINA”
(Unfailing Faith)

1. E lē o upu, a o le ola fa'atino e manumalo ai
2. E tāua mea fai tele, a e sili atu le ofo to'atasi
3. Avea ma fa'aaoao o le ola fa'amalosi i le uso ua vaivai

Tupulaga: “’Aua e te fia malosi, ne’i aliali ai lou vaivai.”

Mafaufauga: “’Aua le suia lau tali ona ua e maoaluma.”

Aso Sa – Tesema 01, 2019 (FA’AFOUINA)

Tusi Faitau – Eperu 10:19–25

Matua – f.24: “Ia tatou manatunatu foi le tasi i le tasi, ina ia taufa’atupu ai le alofa ma galuega lelei.”

“AVEA IESU MA TA’IMUA I MEA UMA”
(Considering Jesus First)

1. Ia soālaupule e maopoopo ai mafutaga i le fiasia o le Alii
2. Faimalaga fa’atasi ma le Alii, e lē uma ai le loto fuatiaifo e lelei
3. Ia mulumulu au-foe, e se’e malie ai le Sa ma le folauga

Tupulaga: “Ia amata lelei ma ia tumau i lau tautoga.”

Mafaufauga: “Alofa i lou uso a o lua malaga i le ala.”

Aso Sa – Tesema 8, 2019

Tusi Faitau – Roma 5:1–5

Matua – f.5: “O le fa’amoemoe foi e le ma ai, auā ua fa’amaligi mai le alofa o le Atua i o tatou loto e le Agaga Paia ua foaiina mai ia te i tatou.”

“O LE ALA E MANUMALO AI I LE TAUSINIOGA”
(The Persevering Process)

1. O le Agaga o le Atua, o le fesoasoani sili pe a lutia le faigamalaga
2. O le ala tanu e tau atu i le tafu’e o le satauro o le manumalo
3. O mea alofa o le Agaga, o ‘aupega ia o le taua fa’aleagaga

Tupulaga: “A e le ma’osi’osi ma tigaina, e te le maua le potu.”

Mafaufauga: “O le tauto’aluaina e le Agaga, e tupu ai pea lo latou malosi.”

Aso Sa – Tesema 15, 2019

Tusi Faitau – 1 Tesalonia 5:12–22

Matua – f.18: “Ia outou fa’afetai i mea uma lava, auā o le finagalo lea o le Atua ia te outou, ia Keriso Iesu.”

“IA FA’AFETAIA LE ALOFA O LE ATUA”

(Giving Thanks to God)

1. Ia tausoa fa’ataasi e tupu atili ai le malosi o lē ua vaivai
2. Ia fai se mea lelei mo lou uso, auā ua vala’auina oe e fai ma fa’amanuiaga
3. Ola fa’amaopoopo, o tofiga na e gata i tagata loto alofa

Tupulaga: *“Ia ola filemu, e fiafia ai tagata i lou talavou.”*

Mafaufauga: *“Amata lenei aso i le fa’afetai, ia i’u foi lenei aso o tumau le agaga fa’afetai.”*

Aso Sa – Tesema 22, 2019

Tusi Faitau – Isaia 53:1–7

Matua – f.1: *“O ai ea ua talitonu i la matou upu e tauiologolo atu; ua faaalua ia te ai le aao o le Alii?”*

“TALIA LE ‘AAO O LE ALII”

(Accepting the Arm of the Lord)

1. O le malosi o loo natia i le tagata e lē tautala so’o
2. O le filemu o le Atua, na te suia le loto ma’a’a ma le fa’amauualuga
3. E mativa i le va’aiga, a e tamāoaiga i le alofa

Tupulaga: *“Amata i le ‘ie’ie faife’au, fa’aiu i le fa’aeaina i galuega lelei.”*

Mafaufauga: *“’Aua le maumauina lou taimi e tali ai i finauga faomālō.”*

Aso Sa – Tesema 29, 2019

Tusi Faitau – Salamo 100:1–5

Matua – ff.1-2: *“Ia alalaga i le Alii le lalolagi uma. Ia outou auauna atu i le Alii ma le fiafia; o mai ia outou i ona luma ma le alaga fiafia.”*

“O LE FA’ILOGA O LE LOTO UA TAUMASUASUA I LE FA’AFETAI”

(The Mark of Thankfulness)

1. E lelei le Alii i taimi uma, auā ua ia tatalaina o’u noanoataga

2. E lelei le Atua auā ua ia momoli mai lo'u aiga i le tauafiafi o lenei tausaga
3. E lelei le Atua auā ua ia laveaiina a'u mai fili ma fa'aosoosoga

Tupulaga: *“'Aua e te popole i lou lumana'i, tau lava o lou fa'amaoni i le tausiga o ou matua.”*

Mafaufauga: *“A mae'a se galuega, nofo i lalo ma fa'afetaia le alofa o le Atua.”*

IA MANUIA LE TAUSAGA FOU 2020!